

也問本司考思後未申官以前發者若爲答一種无別也或云問給祿之官兵衛等何答亦同聞公廩給徵哉答科斷未了停給但給了後犯罪不徵耳事力等准此耳已上未明在跡記背古記云問公罪下中奪秋冬之祿未知下中下下若爲答此條大例稱不合解官然則公罪中下以下不合解官者猶徵二時之祿合解官徵一年之祿耳

〔令義解祿四〕凡奪祿者徵半年限六十日內輸畢徵一年限百廿日內輸畢謂並從判徵日始計若限內遇恩及別勅復任謂限內復任本官者其任他司亦者並免徵即應給者從復任日爲始計謂既云從復任不同初任之例凡徵祿者雖正祿見在但會恩降者可免即與六職稍異

〔令集解祿二十三〕或云限六十日百廿日者式兵部勘定訖之待其報爲限耳問徵半年者限六十日輸了未知假令春祿受了至給秋祿之時日不滿而不得其祿此人考在私罪下上公罪下中可徵半年祿者不得私祿之故不徵哉爲當徵彼所得春祿哉答師云不徵耳可案在穴記

〔令義解考課四〕凡官人有犯私罪下中公罪下下並解見任○義即依法合除免官當者○義不在考校之限並奪當年祿謂當年者自春至冬即奪事發年祿不可追前年祿假如正月事發者不徵本犯不至除解而特除解者不徵其考解者其年聽叙

〔延喜式式部十八〕凡元正之日若有不朝者五位以上莫預三節七十以上者六位以下奪春夏祿六位以下在故者不在此例但宮內主殿典藥內膳造酒采女主水等省寮司莫責不參侍醫東宮學士亦同○中

凡正月十七日五月五日兩度節不參五位已上待兵部移無預新嘗會六位已下官人奪季祿○中凡被召大歌所之輩起自十月廿一日至于正月十六日一向直所若无故不上者五位已上不預節會六位已下奪季祿散位雜色等責以違勅

凡五位已上闕正月御齋會職掌每度奪位祿絹一疋若絹盡以布准奪其六位已下每度奪季祿布二端○中